

August Notice: HR 1 Work Requirement (Swahili)

UJUMBE MFUPI:

Huu ni ujumbe kutoka RI Medicaid. Kanuni mpya za shirikisho zitaanza mwaka wa 2027. Baadhi ya watu wazima watahitaji kukidhi masharti ya kufanya kazi na kuhuisha Medicaid kila baada ya miezi 6. Kwa maelezo zaidi, ingia katika akaunti yako kwenye healthyrhode.ri.gov au tembelea staycovered.ri.gov/work.

TAARIFA NA BARUA PEPE:

Taarifa Muhimu Kuhusu Bima Yako ya Medicaid

Sheria mpya ya shirikisho itabadilisha kanuni za Medicaid kwa baadhi ya watu wazima wa Rhode Island kuanzia mwaka wa 2027. Mabadiliko haya yanajumuisha:

- Masharti ya Kufanya Kazi
- Kuhuisha Medicaid kila baada ya miezi 6

Rekodi zetu zinaonyesha kuwa **mabadiliko haya yanaweza kukuhusu**. Taarifa hii inaelezea kinachobadilika na kile unachoweza kuhitaji kufanya.

Ni nini kinachobadilika?

Kuanzia mwaka wa 2027, sheria ya shirikisho itawataka baadhi ya watu wazima kurepota kazi yao au shughuli zinazohusiana nayo ili kubaki na Medicaid. Sheria hizi huitwa “mahitaji ya kazi” lakini zinajumuisha mambo mengi zaidi ya ajira

Unaweza kutimiza mahitaji ya kazi kwa kupata angalau \$580 kwa mwezi. Kwa wafanyakazi wa msimu pekee, wastani wa mapato ya kila mwezi ya angalau \$580 katika kipindi cha miezi sita iliyopita unakidhi vigezo.

Unaweza pia kutimiza mahitaji ya kazi kwa kukamilisha saa 80 kwa mwezi za mchanganyiko wowote wa yafuatayo:

- Kufanya kazi
- Kujitolea au kufanya kazi ya jamii katika shirika la umma au lisilo la faida
- Kushiriki katika mafunzo ya kazi, programu ya ujuzi wa kazi, au programu ya maendeleo ya nguvu kazi
- Kuhudhuria shule au programu ya ufundi au mafunzo ya kitaaluma kwa muda angalau wa muda mfupi

Ikiwa hutakidhi masharti hayo au hautajibu maombi ya baadaye ya taarifa, bima yako ya Medicaid inaweza kusitishwa.

Pia mnamo mwaka wa 2027, Medicaid itahuisha bima yako kila baada ya miezi sita badala ya mara moja kwa mwaka.

Hii inawaathiri nani?

Sheria hizi zinawahusu tu watu wazima fulani wenye umri wa miaka 19–64 ambao wana hitimu kupata Medicaid kulingana na kipato. Chini ya sheria ya shirikisho, “mtu

anayehusika” ni yule ambaye lazima atimize sharti la kazi isipokuwa kama anastahiki msamaha.

- Masharti ya kazi hayakuhusu ikiwa wewe:

- Una umri chini ya miaka 19 au zaidi ya miaka 64;
- Ni mzazi au mlezi wa kisheria wa mtoto mwenye umri wa chini ya miaka 19 anayeishi katika kaya yako;
- Ni mlezi wa mtoto mwenye umri wa chini ya miaka 14;
- Ni mlezi wa mtu wa umri wowote mwenye ulemavu;
- Una hali ya kimwili, kiakili, ya ukuaji, au ya kisaikolojia inayofanya kuwa vigumu kufanya kazi, kuhudhuria shule au kujitolea;
- Una hali mbaya au tata ya kiafya inayofanya kuwa vigumu kufanya kazi, kuhudhuria shule au kujitolea;
- Uko katika mpango wa matibabu ya dawa za kulevya au pombe;
- Una mimba sasa au ulijifungua katika mwaka uliopita;
- Ni Mzawa wa Marekani au Mzawa wa Alaska;
- Ulikuwa gerezani au jela ndani ya miezi mitatu iliyopita;
- Ulikuwa katika malezi ya serikali ulipofikisha umri wa miaka 18;
- Ni mkongwe mwenye ukadiriaji wa ulemavu wa jumla (asilimia 100);
- Unapokea TANF na unatimiza masharti ya kazi ya TANF; Unapokea SNAP na unatimiza masharti ya kazi ya SNAP;
- Umejiunga na Medicare au unapokea SSI/SSDI au faida za ulemavu.

Unaweza pia kustahiki msamaha wa muda-mfupi wa ugumu wa misha ikiwa huwezi kukidhi mahitaji ya kazi kwa sababu:

- Unapata huduma ya matibabu ya kulazwa hospitalini au huduma nyingine kama hiyo ya kitiba ya kina, au
- Lazima usafiri nje ya jamii yako kwa muda mrefu ili kupata matibabu muhimu ya kiafya kwa hali mbaya au tata ambayo huwezi kuipata ndani ya eneo lako

Ni nini nitahitaji kufanya ili kusasisha Medicaid yangu?

Kuanzia mwaka wa 2027, tutakagua ustahiki wako wa Medicaid kila baada ya miezi 6. Katika kila usasishaji, tutaangalia miezi 6 iliyopita ili kuona ikiwa wewe:

- Ulitimiza sharti la kazi kwa angalau mwezi mmoja, au
- Ulistahiki msamaha kwa angalau mwezi mmoja.

Ikiwa tutahitaji maelezo zaidi, tutakutumia ilani inayoelezea kile unachopaswa kuwasilisha. Ikiwa huna msamaha wa masharti ya kazi, tutakuuliza maelezo kuhusu saa zako za kazi, kuhudhuria shule, kujitolea, mafunzo ya kazi, au mapato. Ilani hii haimaanishi kuwa utapoteza bima ya afya. Inamaanisha tunahitaji kupitia upya hali yako chini ya kanuni mpya.

Nini kitatokea ikiwa sitatimiza masharti mapya ya kazi?

Ikiwa hutatimiza sharti la kazi na huna sifa ya kustahiki msamaha:

- Huduma yako ya Medicaid inaweza kusitishwa.
- Huenda usiweze kupata msaada wa kulipia bima ya HealthSource RI.
- Unaweza kutuma maombi mapya ya Medicaid wakati wowote, lakini hueda ukapata muda wa kutokuwa na bima katika huduma zako.

Mambo unayohitaji kufanya sasa

- Huhitaji kuripoti kazi yako au shughuli zinazohusiana nayo sasa. Hata hivyo, kuanzia mwaka wa 2027, tunaweza kukuomba ututumie maelezo kuhusu kazi yako, shule, kujitolea, au mapato. Kutunza rekodi au nyaraka sasa (kama vile risiti za malipo au saa za kujitolea) kunaweza kurahisisha utoaji wa taarifa ikiwa tutaziomba baadaye.
- Hakikisha anwani yako ya barua, namba ya simu, na barua pepe vimesasishwa ili usikose ila muhimu. Jifunze jinsi ya kufanya hivyo kupitia staycovered.ri.gov/update-account.

- Angalia tarehe yako ya kufanya upya mtandaoni kupitia ri.gov/EOHHS/medicaid_renewal.

Nini kitatokea baadaye

Ikiwa tutahitaji taarifa zaidi kutoka kwako, tutakutumia ilani. Itajumuisha:

- Orodha ya misamaha (mambo yanayomaanisha huhitaji kuripoti shughuli zako za kazi).
- Maelekezo ya jinsi ya kutuonyesha kuwa una msamaha.
- Maelezo zaidi kuhusu mahitaji ya kazi.
- Jinsi ya kuripoti kazi, shule, mafunzo ya kazi, kujitolea, au mapato.
- Tarehe za mwisho za kutuma taarifa.

Kwa maelezo zaidi, tafadhali tembelea staycovered.ri.gov/work.